

ЎЗБЕКИСТОН РЕСПУБЛИКАСИ ИҚТИСОДИЁТИГА ТҮҒРИДАН- ТҮГРИ ХОРИЖИЙ ИНВЕСТИЦИЯЛАРНИ ЖАЛБ ҚИЛИШНИНГ МЕЪЁРИЙ-ХУҶУҚИЙ АСОСЛАРИ

Олчинбоев Отабек Абдусамад ўғли

Тошкент давлат иқтисодиёт университети магистранти

АННОТАЦИЯ

Мақолада түғридан-түгри хорижий инвестицияларга оид Ўзбекистон Республикаси қонунларини таҳлил этилган. Бу қонун хужжатларида кедтирилган инвесторлар учун имтиёзлар ва чекловлар кўриб чиқилган.

Калим сўзлар: Түғридан-түгри хорижий инвестициялар, инвестор, давлат, конституция, қонун, фармон, қарор, имтиёзлар, чекловлар, мажбуриятлар, солиқ таътиллари ва имтиёзлари.

АННОТАЦИЯ

В статье проводится анализ законодательства Республики Узбекистан о прямых иностранных инвестициях. Эти законы предусматривают стимулы и ограничения для инвесторов.

Ключевые слова: Прямые иностранные инвестиции, инвестор, государство, конституция, закон, указ, решение, привилегии, ограничения, обязательства, налоговые каникулы и освобождения.

ABSTRACT

The article analyzes the laws of the Republic of Uzbekistan on foreign direct investment. These laws provide incentives and restrictions for investors.

Keywords: Foreign direct investment, investor, state, constitution, law, decree, decision, privileges, restrictions, obligations, tax holidays and exemptions.

КИРИШ

Мамлакатларнинг давлат ижтимоий-иқтисодий фаолияти албатта қонунлар ва қоидалар билан амалга оширилади. Хусусан инвестицион фаолиятлар, у ҳоҳ давлат инвестиция фаолияти ёки хусусий инвестиция фаолияти бўлсин албатта қонунлар ва қоидалар билан тартибга солинади.

Республикамизда инвестиция фаолиятига доир 108 та қонун хужжатлари мавжуд, түғридан-түгри хорижий инвестицияларга доир эса 15 дан зиёд қонун хужжати мавжуд.¹

¹ <https://lex.uz/>

Аввало мамлакатимиз Конституциясида мулк ва иқтисодий муносабатлар кафолатлари борасида алоҳида моддалар борлигига қўриб чиқсан:

53-модда.

Бозор муносабатларини ривожлантиришга қаратилган Ўзбекистон иқтисодиётининг негизини хилма-хил шакллардаги мулк ташкил этади. Давлат истеъмолчиларнинг хуқуқи устунлигини ҳисобга олиб, иқтисодий фаолият, тадбиркорлик ва меҳнат қилиш эркинлигини, барча мулк шаклларининг тенг хуқуқлигини ва хуқуқий жиҳатдан баб-баравар муҳофаза этилишини кафолатлади.

Хусусий мулк бошқа мулк шакллари каби дахлсиз ва давлат ҳимоясидадир. Мулкдор фақат қонунда назарда тутилган ҳолларда ва тартибдагина мулкидан маҳрум этилиши мумкин.

54-модда.

Мулкдор мулкига ўз хоҳишича эгалик қиласи, ундан фойдаланади ва уни тасарруф этади. Мулкдан фойдаланиш экологик муҳитга зарар етказмаслиги, фуқаролар, юридик шахслар ва давлатнинг хуқуқларини ҳамда қонун билан қўриқланадиган манфаатларини бузмаслиги шарт.

55-модда.

Ер, ер ости бойликлари, сув, ўсимлик ва ҳайвонот дунёси ҳамда бошқа табиий захиралар умуммиллий бойликдир, улардан оқилона фойдаланиш зарур ва улар давлат муҳофазасидадир.²

Бу юқоридаги моддалар бевосита мамлакат инвестиция сиёсатига ҳам алоқадордир.

Адабиётлар тахлили ва методологияси. Мамлакатимиздаги инвеститцияларга оид энг аҳамиятли қонун хужжати “**Инвестициялар ва инвестиция фаолияти тўғрисида**”ги 2019 йил 25 декабрдаги ЎРҚ-598-сонли Ўзбекистон Республикаси Қонуни. Қонун 12 боб, 67 моддадан иборат.

Бу қонун хужжутлари ичida чекловлар ва имтиёзлар, қоидалар берилган. Биз эътибор қилишимиз лозим бўлгани чекловар ва имтиёзлар. Тўғридан-тўғри хорижий инвестицияларга оид қонунларда асосан имтиёзлар хусусида гап кетади.

МУХОКАМА ВА НАТИЖАЛАР

Хусусан, Ўзбекистон Республикаси Молия вазирлиги, Ўзбекистон Республикаси Давлат солиқ қўмитаси, Ўзбекистон Республикаси Иқтисодиёт

² Ўзбекистон Республикаси Конституцияси, янги таҳрири, Тошкент-2021

вазирлигининг “Тўғридан-тўғри хусусий хорижий инвестицияларни жалб қилувчи корхоналар учун солик имтиёзларини қўллаш тартиби тўғрисидаги низомни тасдиқлаш ҳақида” 2822-сонли қарорида солик имтиёзлари бафуржа тушуниришлар берилган. Бу солик турлари юридик шахслардан олинадиган фойда солиғи, мол-мулк солиғи, ягона солик тўловидир. Мазкур Низомнинг 1-бандида кўрсатилган солик имтиёзлари (юридик шахслардан олинадиган фойда солиғи, мол-мулк солиғи, ягона солик тўлови):

a) тўғридан-тўғри хусусий хорижий инвестицияларнинг ҳажми қўйидагиларга тенг (эквивалент) бўлганда тақдим этилади:

300 минг АҚШ долларидан 3 миллион АҚШ долларигача ва 3 миллион АҚШ доллари бўлганда — 3 йил муддатга;

3 миллиондан ортиқ АҚШ долларидан 10 миллион АҚШ долларигача ва 10 миллион АҚШ доллари бўлганда — 5 йил муддатга;

10 миллион АҚШ долларидан ортиқ бўлганда — 7 йил муддатга;

б) қўйидаги шартлар асосида қўлланилади::

корхоналарни, республиканинг барча шаҳарлари ва қишлоқ аҳоли пунктларида жойлаштириш, бундан Тошкент шаҳри ва Тошкент вилояти мустасно. Бундай ҳудудий чеклов туризм соҳасида фаолият кўрсатувчи корхоналарга ва чиқиндилар билан боғлиқ ишларни амалга оширишга татбиқ этилмайди;

хорижий инвесторлар томонидан хусусий тўғридан-тўғри хорижий инвестицияларни Ўзбекистон Республикасининг кафолати берилмаган ҳолда амалга ошириш;

корхонанинг устав капиталида хорижий иштирокчиларнинг улуши камида 33 фоизни, акциядорлик жамиятларида эса камида 15 фоизни ташкил этиши лозим;

хорижий инвестицияларни эркин алмаштириладиган валюта ёки янги замонавий технологик ускуна тарзида қўйиш;

мазкур имтиёзларнинг қўлланилиши муддати давомида имтиёзлардан олинган даромаднинг камида 50 фоизини корхонани янада ривожлантириш мақсадида қайта инвестициялашга йўналтириш.³

Ўзбекистон Республикаси Вазирлар Махкамасининг “Тошкент шаҳрини инфратузилмавий ривожлантиришга тўғридан-тўғри хорижий инвестицияларни жалб қилишга доир қўшимча чора-тадбирлар

³ 2822-сон Тўғридан-тўғри хусусий хорижий инвестицияларни жалб қилувчи корхоналар учун солик имтиёзларини қўллаш тартиби тўғрисидаги низоми 26.08.2016

тўғрисида” 2019 йил 4 январдаги 4-сон Қарори, мазкур қонун хужжатида Тошкент шахри инфратузилмасини ва ишлаб чиқариш салоҳиятини ошириш чора-тадбирлари назарда тутилган. Хусусан бу қонун хужжатида келтирилган тадбирлар ичидаги энг кўзга ташланарлиси қўйидаги деб топдик:

- Давлат-хусусий шериклик шартлари асосида қўмаклашиш учун 2019 йилнинг 1 февралидан Тошкент шахри туманлари ҳокимлари ҳузурида Инвесторларни қўллаб-қувватлаш марказларини ташкил этиш (Ўзбекистон Республикаси Инвестициялар бўйича давлат қўмитаси, Тошкент шаҳар ҳокимлиги, Молия вазирлиги, Ўзбекистон Республикаси Ташқи иқтисодий фаолият миллий банки, «Асака» АТБ ва «Ўзсаноатқурилишбанк» АТБлар марказлар фаолиятини ташкил этишга масъул этиб белгиланган).

Юқорида ташкил этилган Инвесторларни қўллаб-қувватлаш марказлари чет эллик инвесторлар учун қулай фаолият юритишни таъминлашни кўзда тутади.

Ўзбекистон Республикаси Президентининг Вазирлар Маҳкамасининг Ўзбекистон Республикаси «Тўғридан-тўғри хусусий хорижий инвестицияларни жалб этишни рағбатлантириш борасидаги қўшимча чора-тадбирлар тўғрисида»ги фармонини амалга ошириш чора-тадбирлари хақидаги 2005 йил 2-августдаги 180-сонли қарорида келтирилган 2-илова “Ўзбекистон Республикаси Ҳукумати билан чет эллик инвестор ўртасида инвестиция шартномаларини тузиши, ўзгартириш киритиши, тугатиши ва амалга ошириши тартиби тўғрисида”ги Низомда инвесторлар ва давлат ўртасида шартномаларнинг баъзи тарафлари ёритилган:

- Чет эллик инвесторлар билан уларнинг қўшимча кафолатлар ва қўллаб-қувватлаш чоралари (имтиёзлар ва преференциялар) бериш билан боғлиқ бўлмаган инвестиция мажбуриятларини мустаҳкамлашга йўналтирилган шартномаларни тузиш ва амалга ошириш қонун хужжатларида белгиланган тартибда амалга оширилади.

- Ушбу Низом Қорақалпоғистон Республикаси Вазирлар Кенгаши, вилоятлар ва Тошкент шаҳар ҳокимлари томонидан 10 миллион АҚШ долларидан кўп бўлмаган эквивалентда чет эл инвестицияси улуши бўлган инвестиция лойиҳаларини амалга оширишда чет эл инвесторлари билан инвестиция шартномаларини тузиш ҳуқуқига нисбатан татбиқ этилмайди.⁴

⁴ 2005 йил 2-августдаги 180-сонли Қарори 2-иловаси “Ўзбекистон Республикаси Ҳукумати билан чет эллик инвестор ўртасида инвестиция шартномаларини тузиши, ўзгартириш киритиши, тугатиши ва амалга ошириши тартиби тўғрисида”ги Низом 1-банд

Низомнинг 8-бандида Инвестиция шартномаси қуидагиларни ўз ичига олишикелтирилган:

- инвестициялар обьекти ва ҳажми, лойиҳанинг бошланиши ва туталланиши муддатлари;
- инвестиция шартномасининг амал қилиш муддати ва шартлари;
- коррупцияга ва монополияга қарши қўшимча шартлар;
- чет эллик инвесторнинг, шу жумладан, инвестиция киритиш ҳажми, маҳсулот ишлаб чиқариш, маҳаллийлаштириш, маҳсулот сифати, товарлар ва хизматлар экспорти ҳажми, шунингдек, атроф муҳитни муҳофаза қилиш, табиий ресурслардан оқилона фойдаланиш, меҳнат техника хавфсизлиги тўғрисидаги қонун хужжатларига риоя қилиш бўйича хуқуқ ва мажбуриятлари;
- халқаро стандартларга, шунингдек, энергия самарадорлиги ва экология нормалари бўйича замон талабларига мос келадиган замонавий ускуналар ва технологияларни етказиб бериш юзасидан чет эллик инвесторнинг мажбуриятлари;
- Ўзбекистон Республикаси Ҳукуматининг, шу жумладан, қонун хужжатларида белгиланганларга қўшимча кафолатлар ва қўллаб-қувватлаш чоралари (имтиёзлар ва преференциялар) бериш бўйича хуқуқ ва мажбуриятлари;
- молиялаштириш манбалари, лойиҳани амалга ошириш жадваллари, инвестиция лойиҳасининг амалга оширилишини техник назорат қилиш тартиби тўғрисидаги ахборотлар;
- чет эллик инвестор томонидан унинг мажбуриятлари ижроси тўғрисидаги ҳисботларни тақдим этиш тартиби ва муддатлари;
- томонларнинг инвестиция шартномаси шартларига риоя қилмаганлиги учун жавобгарлиги, шу жумладан, чет эллик инвесторга давлат органлари мансабдор шахсларининг ғайриқонуний ҳаракатлари (ҳаракатсизлиги) натижасида етказилган заарнинг ўрнини қоплаш, шунингдек, инвестиция шартномасига мувофиқ чет эллик инвестор ўз мажбуриятларига риоя қилмаганда ёки лозим даражада риоя қилмаганда, Ўзбекистон Республикаси Ҳукумати томонидан ўз мажбуриятларини бажаришни бир томонлама тартибда рад этиш ҳуқуки;
- инвестиция шартномасига ўзгартишлар киритиш тартиби;
- инвестиция шартномасини бекор қилиш тартиби;
- инвестиция шартномаси тарафлари ўртасидаги инвестиция шартномаси қоидалари билан боғлиқ низоларни ҳал этиш тартиби, низоларни

кўриб чиқиши жойи ва органи. Бунда Ўзбекистон Республикаси ёки хорижий давлат суди, Ўзбекистон Республикаси ёки хорижий давлат худудида ташкил этилган халқаро тижорат арбитражи низоларни кўриб чиқувчи орган сифатида белгиланиши мумкин.

- Инвестиция шартномасида инвестиция лойиҳасининг ўзига хос хусусиятларига қараб бошқа шартлар, шу жумладан, қуйидаги шартлар ҳам бўлиши мумкин:

- худуднинг ишлаб чиқариш ва ижтимоий инфратузилмасини ривожлантириш бўйича томонларнинг ўзаро мажбуриятлари;
- чет эл инвесторининг шартнома шартларини бажариш натижасида ишлаб чиқарган, ўзига тегишли бўлган маҳсулотни ва олинган фойдани (даромадларни) Ўзбекистон Республикасидан олиб чиқиш ҳукуқи;
- чет эл инвесторининг Ўзбекистон Республикаси фуқаролари орасидан ходимларни ёллаш ва ўқитишга доир мажбуриятлари, технологиялардан фойдаланиш шартлари, шунингдек, инвестиция лойиҳасини амалга ошириш тугалланганидан сўнг ташкил этилган ташкилот ходимларини ўқитиш бўйича мажбуриятлари.
- Инвестиция шартномасида чет эл инвесторига уни бозорда устун мавқега кўядиган мутлақ қоидалар ва ҳукуқлар берилиши тақиқланади.⁵

Бу юқоридаги 180-сонли Вазирлар Маҳкамасининг Қарорига 2020-йил 30-апрелда 264-сонли ВМнинг Қарори билан қисман ўзгартиришлар киритилган.

Ўзбекистон Республикаси Вазирлар Маҳкамасининг 2019 йил 18 майдаги 417-сонли “**Тошкент шаҳрида тўғридан-тўғри хорижий инвестиция иштирокидаги нодавлат мактабгача таълим муассасаларини давлат-хусусий шериклик асосида ташкил этиш тўғрисида**” Қарорига биноан Тошкент шаҳрида тўғридан-тўғри хорижий инвестиция иштирокидаги нодавлат болалар боғчаларини ташкил этиш бўйича ишлар режаси келтирилган.

Ўзбекистон Республикаси Президентининг “**Фарғона нефтни қайта ишлаш заводини тўғридан-тўғри хорижий инвестицияларни жалб қилган ҳолда модернизация қилиш чора-тадбирлари тўғрисида**”ги 2019 йил 10 апрелдаги ПҚ-4275-сонли Қарорида: «**Фарғона нефтни қайта ишлаш заводи**» МЧЖни модернизация қилиш ва ишлаб чиқариш қувватларидан тўлиқ фойдаланиш, илғор технологияларни жорий этиш ҳисобига нефть-газ

⁵ 2005 йил 2-августдаги 180-сонли Қарори 2-иловаси “Ўзбекистон Республикаси Хукумати билан чет эллик инвестор ўртасида инвестиция шартномаларини тузиш, ўзгартириш киритиш, тугатиш ва амалга ошириш тартиби тўғрисида”ги Низом

тармоғининг барқарор ривожланишини таъминлаш, ишлаб чиқариш ва экспорт салоҳиятини ошириш учун тўғридан-тўғри хорижий инвестицияларни жалб қилиш масалаларига тўхталинганд. Яна қўйидаги ишлар ҳам келтирилган:

- Давлат активларини бошқариш агентлиги, Ўзбекистон Республикаси Инвестициялар ва ташқи савдо вазирлиги, Энергетика вазирлиги ва «Ўзбекнефтгаз» АЖ томонидан «PT Trans Asia Resources» (Индонезия) хорижий компанияси билан (кейинги ўринларда — инвестор) Фарғона нефтни қайта ишлаш заводини модернизация қилиш ва тўлиқ қувват билан ишлашини таъминлаш бўйича инвестиция лойиҳасини (кейинги ўринларда — лойиҳа) тўғридан-тўғри хорижий инвестицияларни жалб этиш орқали амалга ошириш тўғрисида келишувга эришилгани;
- инвестор «Фарғона нефтни қайта ишлаш заводи» МЧЖ га эгалик қилиш, уни модернизация қилиш ва унинг ишлаб чиқариш қувватлари тўлиқ ишлашини таъминлаган ҳолда кейинчалик фойдаланиш учун етакчи халқаро компаниялардан иборат бўлган консорциум ташкил этишни режалаштиргани маълумот учун қабул қилинсин.
- Давлат активларини бошқариш агентлиги «Фарғона нефтни қайта ишлаш заводи» МЧЖ устав капиталидаги 100 фоиз улушни сотиш бўйича келишувнинг дастлабки сотиб олиш тўлови 16 000 000 (ўн олти миллион) АҚШ доллари миқдорида назарда тутилган Ўзбекистон Республикаси Вазирлар Маҳкамаси томонидан тасдиқланган асосий шартларга мувофиқ инвестор билан тузилишини таъминласин.
- Ўзбекистон Республикаси Ахборот технологиялари ва коммуникацияларини ривожлантириш вазирлиги «Фарғона нефтни қайта ишлаш заводи» МЧЖ ва инвестор буюртманомаларига кўра пудратчи ва субпудратчи ташкилотларга лойиҳани амалга ошириш доирасида радиоэлектрон воситалар ва юқори частотали қурилмалардан фойдаланишга белгиланган тартибда рухсат берсин.
- Ўзбекистон Республикаси Ташқи ишлар вазирлиги «Фарғона нефтни қайта ишлаш заводи» МЧЖ ва инвестор буюртманомаларига кўра лойиҳани амалга оширишга жалб қилинадиган хорижий мутахассислар ҳамда уларнинг оила аъзоларига кириш визаларини белгиланган тартибда расмийлаштирилишини таъминласин.
- Ўзбекистон Республикаси Ички ишлар вазирлиги «Фарғона нефтни қайта ишлаш заводи» МЧЖ буюртманомаларига кўра лойиҳани амалга оширишда иштирок этадиган хорижий мутахассислар ҳамда уларнинг оила

аъзоларига кириш визалари берилиши ва муддати узайтирилишини, шунингдек, уларнинг вақтинча турган жойи бўйича рўйхатга олиниши ҳамда муддати узайтирилишини белгиланган тартибда таъминласин.

- Ўзбекистон Республикаси Бандлик ва меҳнат муносабатлари вазирлиги «Фарғона нефтни қайта ишлаш заводи» МЧЖ буюртманомалари бўйича лойиҳани амалга оширишда иштирок этиш учун хорижий мутахассисларни Ўзбекистон Республикасига жалб этишга руҳсатномалар берилишини (узайтирилишини), шунингдек, ушбу хорижий фуқароларга Ўзбекистон Республикаси худудида меҳнат фаолиятини амалга ошириш ҳуқуқига тасдиқномалар берилишини (узайтирилишини) белгиланган тартибда таъминласин.⁶

Ўзбекистон Республикаси Президентининг “Қандим гурухи, Ховузак ва Шоди конларини ўзлаштиришга тўғридан-тўғри хорижий инвестиция-ларни жалб этиш чора-тадбирлари тўғрисида”ги 2003 йил 15 майдаги ПФ-3245-сонли Фармони. Фармонда Қандим гурухи, Ховузак ва Шоди конларини тўғридан-тўғри хорижий инвестицияларни жалб этган ҳолда маҳсулотни тақсимлаш тўғрисидаги битим шартлари асосида ўзлаштириш мақсадида ишлар режаси киритилган.

Ўзбекистон Республикаси Президентининг “Тўғридан-тўғри хорижий инвестициялар жалб этилишини рағбатлантиришга оид қўшимча чора-тадбирлар тўғрисида”ги 2012 йил 10 апрелдаги ПФ-4434-сонли Фармони. Фармонда:

- юридик шахсларга Ўзбекистон Республикаси Президенти қарори билан белгиланадиган муддатга киритилган тўғридан-тўғри хусусий чет эл инвестициялари ҳажмига қараб, ер солиғи, мол-мулк солиғи ва сув ресурсларидан фойдаланганлик учун солиқни тўлашдан озод этиш тарзидаги солиқ имтиёzlари берилади.

- Тўғридан-тўғри хусусий чет эл инвестициялари иштирокидаги корхона солиқ тўғрисидаги қонун ҳужжатларида назарда тутилган бошқа солиқ имтиёzlардан фойдаланишга ҳақли.

- Шундай тартиб ўрнатилсинки, унга мувофиқ қиймати 50 миллион АҚШ долларидан ошадиган ва хорижий инвесторнинг улуши камида 50 фоиз бўлган инвестиция лойиҳалари доирасида, ишлаб чиқариш майдонидан ташқаридағи зарур ташқи муҳандислик-коммуникация тармоқларини қуриш

⁶ “Фарғона нефтни қайта ишлаш заводини тўғридан-тўғри хорижий инвестицияларни жалб қилган ҳолда модернизация қилиш чора-тадбирлари тўғрисида”ги 2019 йил 10 апрелдаги ПҚ-4275-сонли Қарори

бюджет маблағлари ҳамда бошқа ички молиялаштириш манбалари ҳисобидан амалга оширилади.

- Вазирликлар, идоралар, маҳаллий давлат органлари, ҳуқуқни муҳофаза қилувчи ва назорат идоралари, тижорат банклари томонидан хорижий инвесторлар ҳамда хорижий инвестициялар иштирокидаги корхоналарнинг фаолияти билан боғлиқ қўшимча талаблар ва чекловлар ўрнатилиши қатъяян тақиқлансан ин ва бу ҳол қонунга хилоф деб ҳисоблансан ин.

- Ўзбекистон Республикаси Бош прокуратураси хорижий инвесторларнинг, хорижий инвестициялар иштирокидаги корхоналарнинг ҳуқуқ ва кафолатларини ҳимоя қилиш бўйича амалдаги қонун хужжатларига барча давлат ва хўжалик бошқаруви органлари сўзсиз риоя этишлари устидан қаттиқ назорат ўрнатсан ҳамда қонунчилик бузилишининг олдини олиш ва айбдор мансабдор шахсларни жавобгарликка тортиш бўйича таъсирчан чоралар кўрсинг.

- Ўзбекистон Республикаси Ташқи ишлар вазирлиги, Ички ишлар вазирлиги вазирликлар, идоралар ва хўжалик бирлашмаларининг буюртманомалари бўйича инвестиция лойиҳаларини амалга оширишда қатнашаётган хорижий компанияларнинг мансабдор шахслари ва мутахассисларига 12 ой муддат билан кириш визалари ҳамда кўп марталик визалар расмийлаштирилишини таъминласин.

- Ўзбекистон Республикаси Адлия вазирлиги Иқтисодий тараққиёт ва камбағалликни қисқартириш вазирлиги, Инвестициялар ва ташқи савдо вазирлиги билан биргаликда хорижий инвесторлар ҳамда хорижий инвестициялар иштирокидаги корхоналар учун берилган кафолатлар, имтиёзлар ва афзалликларга доир қонун хужжатларининг амалда рўёбга чиқарилиши юзасидан тизимли мониторинг ўрнатсан ҳамда берилаётган имтиёзлар ва афзалликларга вазирликлар, идоралар ва бошқа ижрочилар томонидан риоя этилмаслиги ҳолатлари бўйича Вазирлар Маҳкамасига ҳар чоракда ахборот киритиб борсин.⁷

Бу ПФ-4434-сонли Фармонга 2013 йил 15 марта ПФ-4515 сонли Президент Фармони орқали ўзгаришилар киритилган.

REFERENCES

1. <https://lex.uz/>
2. Ўзбекистон Республикаси Конституцияси, янги таҳрири, Тошкент-2021

⁷ “Тўғридан-тўғри хорижий инвестициялар жалб этилишинирагбатлантиришга оид қўшимча чора-тадбирлар тўғрисида”ги 2012 йил 10 апрел ПФ-4434-сон

3. 2822-сон Тўғридан-тўғри хусусий хорижий инвестицияларни жалб қилувчи корхоналар учун солиқ имтиёзларини қўллаш тартиби тўғрисидаги низоми 26.08.2016
4. 2005 йил 2-августдаги 180-сонли Қарори 2-иловаси “Ўзбекистон Республикаси Хукумати билан чет эллик инвестор ўртасида инвестиция шартномаларини тузиш, ўзгартириш киритиш, тугатиш ва амалга ошириш тартиби тўғрисида”ги Низом 1-банд
5. 2005 йил 2-августдаги 180-сонли Қарори 2-иловаси “Ўзбекистон Республикаси Хукумати билан чет эллик инвестор ўртасида инвестиция шартномаларини тузиш, ўзгартириш киритиш, тугатиш ва амалга ошириш тартиби тўғрисида”ги Низом
6. “Фаргона нефтни қайта ишлиш заводини тўғридан-тўғри хорижий инвестицияларни жалб қилган ҳолда модернизация қилиш чора-тадбирлари тўғрисида”ги 2019 йил 10 апрелдаги ПҚ-4275-сонли Қарори
7. “Тўғридан-тўғри хорижий инвестициялар жалб этилишини рағбатлантиришга оид кўшимча чора-тадбирлар тўғрисида”ги 2012 йил 10 апрел ПФ-4434-сон